



Broj:  
Sarajevo, 05.08.2022. godine

PARLAMENTARNA SKUPŠTINA BOSNE I HERCEGOVINE  
PREDSTAVNIČKI DOM  
n/r predsjedavajućeg, g. Nebojša Radmanović

Stamp: BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO

PRIMLJENO:	05-08-2022		
Organizaciona jedinica	Klasifikaciona oznaka	broj	Broj priloga
		01-50-1-1312	22

Na osnovu člana 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20), podnosim

### POSLANIČKU INICIJATIVU

kojom Predstavnički dom Parlamentarne skupštine Bosne i Hercegovine zadužuje upravu za indirektno oporezivanje BiH da, u saradnji sa Graničnom policijom BiH u što kraćem roku, u skladu sa Zakonom o graničnoj kontroli („Službeni glasnik BiH“, br. 53/09, 54/10 i 47/14) i Pravilnikom o standardima i uslovima izgrađenosti i opremljenosti graničnih prelaza („Službeni glasnik BiH“, broj: 43/17) postavi na svim graničnim prelazima uredne, čiste i pravilno istaknute zastave Bosne i Hercegovine.

### Obrazloženje

Kontinuirano dobijam informacije od građana, a i sam često tome svjedočim, da su na većini graničnih prelaza BiH istaknute neuredne, prljave i iskidane zastave države Bosne i Hercegovine. To posebno dolazi do izražaja u vrijeme ljetne turističke sezone i sezone godišnjih odmora kada se odmah po ulasku u našu zemlju ostavlja ružna slika države Bosne i Hercegovine. Zastava je simbol države i moramo se prema tome odnositi sa više poštovanja. Na to nas obavezuju i važeći zakoni i drugi propisi BiH.

Vijeće ministara BiH je 12.04.2017. godine donijelo Pravilnik o standardima i uslovima izgrađenosti i opremljenosti graničnih prelaza („Službeni glasnik BiH“, broj: 43/17). Član 3. stav (6) ovog Pravilnika za koji sam tada izričito tražio da bude unesen u tekst Pravilnika jasno kaže sljedeće: „Svi granični prelazi moraju biti opremljeni urednim, čistim i pravilno istaknutim zastavama Bosne i Hercegovine“. Dakle, riječ je o imperativnoj normi, odnosno o obavezi Uprave za indirektno oporezivanje BiH<sup>1</sup>. Budžet institucija BiH i međunarodnih obaveza BiH za 2022. godinu je usvojen i stupio na snagu, a u navedenom Budžetu je iznos za tekuće održavanje na stavci za UIO povećan za čak 2,15 miliona KM. Dakle, ne postoji niti jedna pravno-administrativna prepreka da se na 83 granična prelaza BiH, od kojih je 55 međunarodnih, a 28 za pogranični promet, provjeri stanje istaknutih zastava, te da se zamijene one zastave koje su neuredne i poderane, odnosno koje su nereprezentativne po ugled države Bosne i Hercegovine.

Dr. Denis Zvizdić

<sup>1</sup> U okviru UIO postoji Odsjek za upravljanje i održavanje objekata UIO i graničnih prelaza koji je nadležan za ovo pitanje.